



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

59. Quomodo vasa sacra & vestes sacræ non possunt pignorari vel alienari, præterquam in redemptionem capituorum, alias ab Episcopo vel Oeconomo Ecclesiæ vendicantur, omni exceptione remota.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

cerdos in hoc loco quiescit. Cumque oratione facta sancti tumulum admirarer, & tacitus de meritis eius aliquid interrogare cogitarem, aspicio in ostio esse scriptum, qualiter sepulchri violator cadauer spoliavit exanimem. Inquirens verò causam, si hæc vera essent, quæ in ostio picta videbantur, vir mihi talia retulit, sanctus Helius tempore paganorum in hac vrbe fuit Episcopus: qui defunctus, sepultus est à fidelibus. Nocte autem sequenti veniens quidam paganus, lapidem qui sarcophagum tegebat, reuoluit: erectumque contra se corpus sancti conatur spoliare. At ille extensis lacertis constrictum ad se hominem fortiter amplexatur, & vsque mane populis expectantibus tanquam constipatum loris, ita miserum brachijs detinebat. Igitur iudex loci, violatorem sepulchri iubet abstrahi, ac legali poenæ sententia condemnari, sed non laxabatur à sancto. Tunc iudex intelligens voluntatem defuncti, facta de vita promissione laxatur, & sic incolumis redditur. O verè sanctam vltionem pietate permixtam: retinuit hominem vt argueret, sed tradi non permisit supplicio, quem iam reddiderat emendatum.

Iustinianus Imperat. in l. Sancinus C. de sacrosanct. Ecclesijs, vasa sacra & vestes sacra non possunt pignori vel alienari, præterquam in redemptionem captiuorum, alias ab Episcopo vel œconomo Ecclesia vendicatur, omni exceptione remota.

C.A.

Sancimus nemini licere sacratissima atque arcana vasa, vel vestes, cæteraque donaria, quæ ad diuinam religionem necessaria sunt (cùm etiam veteres leges ea, quæ iuris diuini sunt, humanis nexibus non illigari sanxerunt) vel ad venditionem, vel hypothecam vel pignus trahere, sed ab ijs, qui hæc suscipere ausi fuerint, modis omnibus vendicari, tam per religiosissimos Episcopos, quàm per oeconomicos, necnon & sacrorum vasorum custodes, nulla eis actione relinquenda, vel super recipiendo pretio, vel fœnore exigendo, pro quo res pignoratæ sunt, sed omnibus huiusmodi actionibus respuendis, ad restitutionem eorum omnibus modis coarctari. Sin autem confata sunt, vel fuerint, vel alio modo immutata vel dispersa, nihilominus vel ad ipsa corpora, vel ad ipsa pretia eorû actione cõpetere, siue p in ré, siue p cõditione: siue p in factû actionem: cuius tenor in multis & varijs iuris articulis sæpè est admissus, excepta videlicet causa captiuitatis & famis in locis ijs, in quibus hoc (quod abominamur) cõtigerit. Nam si necessitas fuerit in redemptione captiuorum, tunc & venditionem præfatarum rerum diuinarum, & hypothecam, & pignorationes fieri concedimus: quoniam non absurdum est, animas hominum quibuscunque vasis, vel vestimētis præferri, hoc obtinente nō solû in futuris negotijs, sed etiã in iudicijs pēdētib.

Iusti-